

太上黃籙齋儀卷之三十八

王四

太上黃籙齋儀卷之三十八

五四

唐 廣成先生杜光庭集

遷拔中分行道

入戶

各禮師存念如法

衛靈

丹靈朱火

炎霞激風

赤輪剛運

天光八衝

迸威包羅

交變萬方

流金豁落

羣魔滅蹤

辟奸破妖

明耀元功

金符召制

躡雲策龍

謠歌慶會 散花太空 神化冥運

四極安隆 伏御帝前 罔有不恭

鳴法鼓二十四通

无上玄元太上道君召出 臣身中三五功曹

左右官使者侍香金童傳言散花玉女五帝

王四

直符直日香官各三十二人出出者嚴裝關

啓玄壇天帝神君當召此間土地里域真官

正神臣今行道謹奏爲入意願得玉清道炁

靈寶妙光下降流入 臣身中令臣所啓速達

太上无極大道虛无自然金闕玉陛下

各稱法位

具位臣某等謹同誠上啓

虛无自然元始天尊无極大道太上大道君
太上老君高上玉皇十方已得道大聖衆至
真諸君丈人三十六天帝君玉虛上帝玉帝

大帝東華南極西靈北真玄都玉京金闕七
寶玄臺紫微上宮靈寶至真明皇道君三十
六部尊經玄中大法師三界官屬一切真靈
臣等夙承玄運獲履法門窺眄靈章遵行科
典所宜棲身巖谷遁跡靈泉擺落塵誼精修

秘妙而至真慈育以濟物爲先大道度人以
立功爲本宜申拯救普及幽明況有請祈理
難寢絕今奉詞旨敢不上聞

讀詞

按如詞言志希開濟緬茲幽夜義在憫傷竊

五四

二

惟大象分形稟生毓質乘和委順體地法天
虛白難全機緣易惑識塵流蕩幻境推遷犯
誤旣多罪條無量沉流永夜億劫難原唯託
熏修冀其昇濟是敢披心三洞歸命諸天黃
籙開懺拔之科玄都有遷神之品式憑虔潔

庶贖愆瑕各運丹心用祈禎祐以今中分行
道請法衆等運茲初捻上香
願此香煙騰空徑上供養

无上至真道寶臣等歸身歸命首體投地仰
依

太上三尊願以是功德歸流社稷尊靈宗桃
先聖昇遊真境超證仙階宴處南宮流祥北
闕

帝圖延永

聖壽遐長被聲教於八溟混車書於萬國今

故燒香歸依

師尊大聖衆至真之德得道之後昇入无形
和與道合真

以今中分行道請法衆等運茲二捻上香

願此香煙騰空徑上供養

五四

三

无上至真經寶臣等歸身歸命首體投地仰
依

太上三尊願以是功德歸流齋主某家九世
七玄億曾萬祖出幽陰之域昇清淨之鄉受
福朱陵鍊神丹霍亡靈冥識蕩滌宿瑕罪簡

落名青宮列籍超離苦趣解釋幽牢得昇長
樂之庭克證無為之果今故燒香歸依
師尊大聖衆至真之德得道之後昇入无形
和與道合真

以今中分行道請法衆等運茲三捻上香

願此香煙騰空徑上供養

无上至真師寶臣等歸身歸命首體投地仰

依

太上三尊願以是功德歸流齋主某家眷屬
親緣同資勝福祿延壽永罪滅災祛廣及羣

生遐周有識俱登壽域共沐玄慈今故燒香
歸依
師尊大聖衆至真之德得道之後昇入无形
和與道合真

禮方

懺悔

各思九色圓象嚙液命魔密呪

步虛旋遶

旋步雲網上 天風颯爾吹 飄裾凌斗柄
秉笏揖參旗 獅子嚙丹綬 麒麟導翠輜

飛行周八極 幾見發春枝

綠鬢魏丹幘 青霞絡羽衣

夜造月華扉 搏弄周天火

玉房留不住 却向九霄飛

水噴魔宮懾 燈開夜府明

五四

四極烝澄清 嘯詠朱陵府

至誠何以祝 國祚永安寧

三禮

臣等至心稽首禮

太上無極大道

晨趨陽德館 韜潛起陸機

九天風靜默

四

翱翔白玉京

大_臣等至心稽首禮

三十六部尊經首獻

_臣等至心稽首禮

玄中大法師

重稱法位

具位_臣某謹重伸上啓

太上无極大道元始天尊太上大道君太上

老君十方无極大道道德衆聖三十六部尊

經玄中大法師上相上宰四司五帝三界官

屬一切真靈_臣聞至聖垂慈開八門而拯苦

真經演化布三洞以度人惠溥幽明澤周天
地得緣斯旨遂罄丹誠弘道立功用裨明訓
齋主某以亡靈陶形夙古稟氣初天從無始
以來洎于今日隨化機之運惑夢境之中六
識起塵十纏迷性易生罪咎旋積過尤或犯

五四

五

觸真靈或旁干禁忌上違天道下爽地冥或
故殺誤傷貪財害義虧慈讓之德失禮樂之
和侵暴生靈損傷物命罪結三官之府名一府
五帝之司身歿以來慮成報對或陰關拘滯
或異趣飄淪長夜冥冥無由濟拔是敢束心

禱福瀝懇祈天紋繒效請命之儀龍綵備遷
神之信然九幽神燈照燭長夜禮十方睿號
開濟重陰上告諸天下關諸地及五嶽羅酆
之境三塗六趣之鄉惠露息於焦勞憇風蠲
其熱惱使冤仇和釋債訟消平焚黑簿於豐
山刻丹篇於南極千愆萬過咸賜蕩除鍊神
流火之庭瑩魄少陰之闕上生仙品乘化天
衢然願三景著明二儀交泰五兵戢息百穀
滋豐天祚遐長聖壽延永龍神幽贊風雨均
調蠢類有生咸蒙全育某家存亡受福眷屬

沾榮泉府冥津並登真果上明

天尊大慈之澤下副臣等歸命之誠謹啓以

聞

發願

願大道淡泊虛无安閑空寂澄清自居廣

開法門教導頑夫皆蒙惠澤精苦自修預
以同學普得昇虛與天相保長存無憂

二願諸天結炁澄清高虛廣覆保真固靈氣
候調節四運和平國安民豐普天閑寧廣
濟一切惠達有生保天長存億劫不傾

三願土地覆載無窮安平不陷海淪不崩保
鎮家國兆民興從養生安死惠周十方禾
稼滋植營運日豐咸得厚載萬類皆從

四願日月二景高明無有薄蝕虧盈安清光
照諸天洞消暗冥保固劫運世祚和平普

五四

六

加潤澤惠灑衆生

五願星辰與日月齊光轉燭照耀朗映十方
各安其位經緯直行保鎮家國無有災傷
四海寧一普天興昌

六願四時隨節推遷景氣和調無有災患疫

毒消滅普天安平五穀豐熟國富民歡

七願浮雲結炁聚煙飛空高澄蔭覆玄玄隱
則無爲散則彌天神仙同居結友衆真惠
流一切興國愛民普濟羣生人同劫年
八願風雨流灑無窮普加施泄受其發揚萬
物滋生國儲民豐

九願五嶽各安其方巍巍包藏長爲仙宮安
鎮國祚保天無終護度一切莫不仰宗
十願江海蕩蕩無極舍容恢廓無細不植淵
奧柔惠潤加蠕息天人獲慶年同劫石

十一願帝王國主日昌四鎮安睦兵革不揚
天人歌唱吉應來翔敷教濟濟威化揚揚
兆庶稱慶長樂未央

十二願螽飛蠢動已生未生成咸蒙安全普得
生成皆見元氣受陽之形草木果林經冬
不零一切濟度靡不鮮榮和與道合真

復爐

香官使者左右龍虎君侍香諸靈官當令
行道之所自然生金液丹碧芝英百靈衆真
交會在此香案爐前令臣學道得道求仙得

仙十方仙童玉女接待香煙傳臣向來所啓
之言速達徑御

太上无極大道虛无自然金闕玉陛下

出戶

太上黄籙齋儀卷之三十八



